

testantibus Archivis ab Rosiero prolatis. *Richecourt* haud procul Lacu, qui vulgo *la Garde Lac*, unde amnis profluit, qui inter Fanum S. Nicolai & opidum *Rosieres* Murtæ miscetur. *Remiremont* ad sinistram Mosellæ, Insulam ibi facientis, in Lotaringiæ Meridionalissimis: *Rumaricum Castellum* habet hic Aimoinus Monachus: *Adromarici* corrupte legitur apud Reginonem, pro *Ad Romarici*, divisim: *Rimelsberg* Germanice nominatur Spigelio ad Bartholini Austriad. Spectantur haud procul inde Valles, quæ vulgo *l' Estraye & Vagry. La Motte* ad amnem situm est, qui mox in Mosa se exonerat. Visitur ibi Territorium, cui nomen *le Sanctoy*. Sunt & Comitatus quidem Imperii Salmerensis, *Kirchinganus & Blancoburgius. Blanckenburg*, Gallis *Blanc-mont* Opidum est non magnum, sed pulcrum & amœnum. Spectatur ibi Caltrum Vetus, spaciosum & magnificum, cui Palatium Novum Ducis, venusta structura insignis, est conjunctum. Incolæ Agriculturæ dant operam. *Nomenii* Baronatus est ad dextram Sellæ fluvii, tribus milliaribus ab Vrbe Mediomatricum, Meridiem versus. Dominia sunt *Marsal* ad Sellæ sinistram, haud procul Lacu Lindero, in quo Insula cum Opido *Techemful*. *Remere-ville* tribus Nanceio milliaribus. *S. Bellemont*, totidem Mota. *Rambert-Ville* ad dextram Mortonæ, haud procul fonte, ubi Silva Mortanensis. *Rosieres* ad Murtam, prope Fanum D. Nicolai, duobus Nanceio milliaribus. *Homburg* grandiore Leuca ab Opido *Sarbruk*, ad amnem, qui mox Saravo concurrat. *Mariemont* ab Monte, cui Opidum impositum, uno ab Lindero Lacu milliari, Meridiem versus. *Sandacourt* medio fere itinere inter Vaudimontem & Mottam, in Agro, qui vulgo *Sanctoy*. Mediomatricum Urbem, quæ cum Tullo aliisque Imperialis olim erat, in suam potestatem redegit Galliarum Monarcha, Henricus I. Ea nunc dicitur vulgo *Metz*, & posterioris ævi Scriptoribus *Mete*, Gregorio autem Turonensi & aliis *Urbis Metensis: Divodurum Mediomatricum* Antiquis fuit appellatum. Itineraria Tabula: *Divo Durimedio Maricorum: Lege, Divoduro Mediomatricorum: simpliciter Divodurum* Ptol. & *Divodurum* Tacito lib. IV & Antonino. Variosum Nugas de recentis Nominis ratione non lubet adscribere. Sedes olim fuit Regni Lotaringiæ. De ea eleganter Petrus Divæus in Itinerario. *Metensis Urbs in ampla sita est planicie, quam Mosella in varios divisus alveus irrigat, & pars quidem ejus muros ad levam lambit, pars & eosdem subit, ut Civium usibus inserviat, atque sic divisim fluit ad inferiorem usque eorum ambitum, ubi recepto Sellâ, altero Flumine, qui dextram urbis partem adibat, in unum denuo alveum colligitur. Sed Situ inaprimis ipsius urbis delectabamur; quum enim Agrum late circumjacentem planum habeat, ejus tamen area paulum prominat, ut in eo Veterum rationem in condendis urbibus agnoscas. Ad summum siquidem templum multis gradibus ascenditur, juxta quod Forum rerum venalium altiore totius aree partem occupat, & ab eo undique versus muros paulatim descenditur, prærupto tantum in una parte clivo, ubi Vias duas lapidibus stratas sit dispositas videas, ut altera per alterius domorum culmina excurret. Cives Mediomatrices nominantur in Inscriptione, quæ extat: Moguntia ad S. Albanum. Quæ Toul, vernacule, Tullum olim: Tullon Leucorum Opidum Ptol. Tullum Antonino: Tullium Itinerariæ Tabulæ. Quæ denique Verdun, Latinis vocatur hodie *Verdunum & Verdunum: Verodunum* Antonino dicitur. Civitas Verdunensium in Notitia Provinciarum: *l' Evesché de Verdun*. Leguntur autem tres urbes, quas commemoravi, Comitatus etiam titulo & dignitate insignes.*